


本草集要

四



7  
7  
219



国立国会図書館 タイトル『本草集要8巻』 請求記号 特7-219

ガラス使用



伊藤大郎記

本草集要

本草集要中部卷之四

木部

桂君味甘辛氣大熱有小毒入手少陰經桂枝

入足太陽經忌生葱生桂陽揀皮

主溫中利肝肺氣心腹冷痛霍亂轉筋風寒

頭痛腰痛出汗止嘔欬嗽鼻鼈能墮胎通血

脉消瘀血堅骨節治風痺骨痛脚軟宣導

藥無所畏殺草木毒

牡桂君味辛氣溫無毒生南海山谷

森氏開萬冊之記

本草集要





主上氣欬逆結氣喉痺吐吸利關節補中益  
氣久服通神輕身不老

菌桂

味辛氣溫無毒

生交趾桂林山谷立  
秋採無骨正圓如竹

主百病養精神和顏色為諸藥先聘通使久  
服輕身不老面生光華媚好常如童子

按三種之桂所出各異為治亦稍別世俗  
所用皆單桂也枝條輕薄者為桂枝宜入  
治頭目發表散風寒仲景救表用桂枝非  
以其能斂汗蓋表有風邪故病自汗以桂  
枝溫榮衛而發其邪邪去則表密而汗自

止正辛甘發散之義後人用桂止汗失經  
旨矣身幹厚實者為肉桂宜入治臟補腎  
氣及下焦寒冷秋冬下部腹痛非此不除  
刮去籬厚用近裏者為桂心又有嫩小枝  
條為柳桂味淡尤宜入治上焦藥及橫行  
手臂桂雖有小毒亦從類化與芩連為使  
小毒何施與烏附同用全得熟性冬月與  
人參麥門冬甘草同用能調中益氣護榮  
實衛○風頭痛過天將陰風雨先發者准  
一兩為末酒調如膏  
傳頂上并額角效 唾血吐血桂心搗末  
水調下方



十中風失音四肢遺冷取一兩以水三升

梔實臣味苦酸鹹氣寒無毒景天為之使十月上巳日採

主五内邪氣熱止涎嚙補絕傷五痔火瘡婦人乳癥子臟急痛又墮胎催生吞七粒治丈夫婦人陰瘡濕痒產門痒痛久服明目補腦益氣頭不白延年○梔枝洗瘡及陰囊下濕痒春採嫩枝煨為黑灰以揩齒去蟲○梔白皮味苦主中風皮膚不仁酒煮服之煎湯洗五痔男子陰疝邪腫婦人產門痒痛小兒驚

癩壯熱莖葉同又治一切惡瘡爛瘡疥癬煎膏止痛長肉消癰腫煮汁含之治口齒風痒○梔花味苦凉大腸熱治五痔心痛眼赤殺腹臟蟲及熱治皮膚風并腸風瀉血赤白痢並炒用○梔膠主一切風化涎急風口噤或四肢不收頑痺或毒風周身如蟲行或破傷風任作湯散丸煎雜諸藥用之亦可水煮和諸藥為丸

栢實君味甘辛氣平無毒牡蠣及桂為之使

趨入藥微炒用用偏葉者名栢栢



主驚悸安五臟益氣血除風濕痺療恍惚虛損吸吸歷節腰中重痛腰腎中冷潤腎燥之藥去頭風興陽道久服令人潤澤美色耳目聰明不飢不老輕身延年○栢葉尤良味苦澁氣微温四時各依方面採陰乾主吐血衄血痢血崩中赤白尿血輕身益氣令人耐寒暑去濕痺此補陰之要藥性多燥久得之大益脾土以澁其肺作末和油塗之生髮炙罽凍瘡○栢白皮主火灼爛瘡長毛髮葉同大風疾眉髮脫落用藥九蒸九暴搗爲末煉蜜丸如桐子大日三

服夜一服熟水下五九或十九百日用生腹下黑血如茶脚色或膿血如淀色者取藥

焙乾爲末與黃連同煎爲汁服之殊效

松脂使味苦甘氣温無毒六月採通明如乳香者佳

主疽惡瘡頭瘍白禿疥癢風氣殺蟲牙痛少許咬之蟲自死貼諸瘡膿血生肌止痛抽風鍊之令白如玉安五臟除熱胃中伏熱咽乾消渴及風痺死肌歷節風惡風癩疾久服輕身不老延年○松實主虛羸少氣補不足○松葉苦温主風濕瘡生毛髮安五臟守中不



飢延年切如粟酒服方寸匕日三辟瘟疫除  
惡病多取青葉搗爛用酒浸七日取酒服治  
脚氣風痺不能行及諸歷節風○松節温主  
百節久風風虛脚痺軟弱疼痛燥血中之濕  
浸酒服○松根白皮苦温主辟穀不飢補勞  
益氣○松花拂取似蒲黃久服輕身療病

茯苓臣味甘淡氣平陽也無毒入手太陰足太

陽少陽赤者入足太陰手少陽少陰經惡白

牡蒙地榆雄黃秦光魚甲忌醋及酸物得松  
之餘氣而成者陰乾中有赤筋最損目用宜  
去

主腎脅逆氣憂悲驚邪恐悸心下結痛寒熱  
煩滿欬逆口焦舌乾利小便水腫淋結膈中  
痰水肺痿痰壅調胃氣伐腎邪降肺火益氣  
力保神守中久服安魂養神不飢延年

淡利竅甘助陽除濕行水之聖藥白色者

補赤色者利又赤者破結氣如小便多及

汗多陰虛者不宜服

其有抱根者名茯神君主辟不祥療風眩風

虛五勞口乾止驚悸恚怒驚癩善忘開心益

智安魂魄養精神補勞乏又治心下急痛堅



滿人虛而小腸不利加而用之

琥珀君味甘氣平屬陽無毒熱可拾芥者為真

安五臟定魂魄殺精魅邪鬼療蠱毒利小便

通五淋明目摩腎止心痛破結癥瘕血產後

血暈止血生肌合金瘡

丹溪云能利小便以燥脾土有功若血少

而小便不利者反致燥急之苦○茯苓琥

珀二物皆自松出而所稟各異茯苓生成

於陰者也琥珀生於陽而成於陰故皆治

榮而安心利水也

枸杞 味苦氣寒根大寒子微寒無毒冬採根

葉秋採莖

主五內邪氣熱中消渴周痺補內傷大勞強

陰益精去皮膚骨節間風腎家風眼赤痛風

痒瘴膜久服堅筋骨輕身不老明目血虛用

之

酸棗 味酸氣平無毒惡防已八月採實

主心腹寒熱邪結氣聚四肢酸疼濕痺筋骨

風臍上下痛心虛煩及振悸不得眠盜心志

欬虛汗止煩渴補中益肝氣堅筋骨助陰氣





久服安五臟輕身延年又云膽實多睡熱也  
生用茶葉薑汁調服膽虛不睡寒也炒熟竹  
葉湯調服

梔子 味苦氣寒味薄陰中陽也無毒入手太  
陰經吐痰

主五內邪氣胃中熱氣面赤酒飽鼻白癩  
赤癩瘡瘍目熱赤痛血痢挾毒熱下小便赤  
澁不利治濕熱發黃加茵陳豆豉治嘔噦加  
生薑橘皮治心腹久痛加生薑汁善去心中  
客熱虛煩不得眠又覆顛倒心中懊懷又治

大病汗下後勞復既亡血亡津液臟腑無潤  
養內生虛熱非此不除又能屈曲下行降火  
善開鬱治塊中之火丹溪六鬱方中用之

輕浮而象肺色赤而象火故治至高之分  
瀉肺中之火用仁去心骨熱用皮去肌表  
熱

藥木 使黃藥 味苦微辛氣寒陰中之陽降也無

毒足少陰經藥足太陽引經藥惡乾藥二月

鮮黃者上凡使用生薑水浸曬  
乾再用蜜塗慢火炙令蜜盡

主五臟腸胃中結熱黃疸腸痔止洩痢女子



漏下赤白陰傷蝕瘡男子莖上瘡煮汁洗屑  
末傅之蜜炒為末治口舌瘡又云配細辛治  
口瘡有神功補腎水膀胱不足諸痿厥脚膝  
無力癱瘓必用之藥堅腎瀉膀胱熱清小便  
降相火治骨蒸勞陰痿洗肝明目鼻洪吐血  
下血治虻心痛虛嘔吐出小腸虛痛久服通  
神○根名檀桓作結塊如茯苓主心腹百病  
安魂魄不飢渴久服輕身延年通神

心脾熱舌頰生瘡蜜炙與青黛一分同為  
末入龍腦一字研勻搽  
瘡上有  
涎即吐

竹葉 味苦甘氣平寒陰中微陽無毒薑竹淡  
竹為上

苦竹次之  
餘不入藥

主欬逆上氣溢筋急惡瘍殺小蟲涼心經除  
煩熱風痙喉痺嘔吐根作湯益氣止渴補虛  
下氣消毒汁主風痙實通神明輕身益氣別  
說

云竹實大如鷄子葉層層包裹味甘勝似  
蜜此鳳凰所食者今結實如小麥子者非○

淡竹葉味辛甘氣寒主胃中痰熱欬逆上氣  
吐血熱毒風壓丹石毒止消渴○燒瀝味甘  
性緩治卒中風失音不語風痺胃中熱狂煩  
悶吐熱頭痛頭風并懷妊人頭旋倒地安胎



治子煩除陰虛人發大熱消虛痰盛人氣  
虛少食者宜用之又痰在四肢非此不能開  
止驚悸溫疫迷悶小兒驚癇天吊莖葉同用  
○竹皮茹味苦氣微寒主嘔噎噎膈溫氣寒  
熱吐血衄血崩中溢筋○苦竹葉及瀝療口  
瘡目赤痛明目利九竅治不睡解酒毒下熱  
壅作瀝功用與淡竹同

齒間血出

苦竹茹四兩醋漬一宿含之又  
云以竹葉濃煮與鹽少許含之

卒得惡瘡不識

燒苦竹葉和  
鴿子黃傅之妊娠失墜胎

動或痛

取淡竹瀝服之或取竹茹四  
五兩酒煎服竹根煮汁亦佳爆竹

楮實

味甘氣寒無毒

取中子日乾  
四十日成

主陰痿水腫益氣補虛勞助腰膝充肌膚明

目久服不飢不老輕身○葉主小兒身熱食

不下生肌可作湯浴又主惡瘡生肉又鼻衄

不斷搗取汁飲三升不止再飲良久衄差又

主水利炙乾爲末烏梅湯調日再服○樹皮

主逐水利小便可爲紙其紙燒灰酒調服能

止血暈血崩金瘡出血○皮間白汁療癬傳

辟妖氣

有人家爲山魃所祟  
擲瓦不開戶  
不妄諸禱不效後有人教以

旦夜作庭落中若除夕爆  
竹數十竿至曉寂然遂止



蛇蟲蜂犬咬

山茱萸使味酸澁氣平微温無毒入足厥陰經

少陰經 眞實爲之使惡枯梗防 風防已陰乾去核用

主心下邪氣寒熱温中逐寒濕痺去三蟲補

腎氣興陽道堅長陰莖添精髓秘精止小便

利暖腰膝療耳鳴止女人月水不定老人尿

不節久服輕身明目強力長年○核能滑精

五加皮 味辛苦氣温微寒無毒遠志爲之使 畏蛇皮玄參

五月七月採葉 十月採根陰乾

主心腹疝氣腹痛益氣療躄小兒不能行疝

瘡陰蝕男子陰痿囊濕小便遺瀝女人陰痒

腰脊痛脚痺痛風弱五緩治多年瘀血在皮

肌補中益精堅筋骨强志意久服輕身耐老

釀酒飲治風痺四肢攣急延年不死仙經藥

也

杜仲 味辛甘氣平温氣味俱薄陽也無毒惡

說玄參凡 使炒去絲

主腰脊痛補中益精氣堅筋骨强志除陰下

濕痒小便遺瀝脚中酸疼不欲踐地久服輕

身耐老



南藤

即丁公藤生  
依南嶺云

味辛氣溫無毒

主風血枯衰老起陽報腰脚除痺逐冷氣排  
風邪煮汁煎亦浸酒冬月用之

石南

臣

味辛苦氣平有毒

五加皮為之使二月  
四月採葉八月採實

乾陰

主養腎氣內傷陰衰利筋骨皮毛療脚弱五  
臟邪氣除熱女子不可久服令思男○實殺  
蠱毒破積聚逐風痺

女貞實

味苦甘氣平無毒

立冬採葉似冬青  
樹或云即冬青也

主補中安五臟養精神除百疾久服肥健輕

身不老

桑根白皮

使

味甘辛氣溫無毒入手太陰經續

性心麻子為之使惡鐵及鉛東行者佳出土  
上者殺人採無時刮去青黃薄皮勿令皮上  
涎落入藥效用

主傷中五勞六極羸瘦崩中脉絕補虛益氣

瀉脉氣有餘喘嗽嗜血虛勞客熱消痰止渴

去肺中水氣浮腫腹滿利水道去寸白作線

可以縫金瘡更以熟鷄血塗之唐安金藏剖

腹用此法○桑葉主除寒熱風痛出汗煮汁

服主霍亂腹痛並授傳治蛇蠱蜈蚣咬○桑



枝條細到水煎濃汁可常服療福體風痒脚  
氣風氣拘攣肺嗽口乾利小便輕身聰明○  
桑皮中白汁主小兒口瘡及驚口舌上生瘡  
傳之神效又塗金刀傷燥痛須臾血止更刺  
白皮暴之令汁得入瘡中良冬月用根皮蛇  
咬蜈蚣蜘蛛毒傳之效○桑耳味甘有毒黑  
者主女子漏下赤白汁血疔癥瘕積聚陰痛  
陰陽寒熱無子黃熟陳白者止久洩益氣金  
色者治癰飲積聚腹痛金瘡○桑椹曝乾搗  
米蜜和丸服主消渴治金石發熱久服不飢

變白不老取黑者一斤和科斗子一斤瓶盛  
封閉懸屋東頭一百日化為黑泥染白髮如  
漆又取二七枚和胡桃脂研如泥拔去白髮  
點孔中即生黑

桑上寄生

臣味苦甘氣平無毒桑木氣厚生意

然生出採莖葉陰乾凡櫛櫛柳楓等上  
皆有寄生唯桑上者佳假桑之氣耳

主腰痛小兒背強癰腫安胎充肌膚堅髮齒  
長鬚眉主金瘡去痺女子崩中不足懷妊漏  
血不止產後餘疾下乳汁其實明目輕身通  
神



本草綱目卷之八  
南燭枝葉

味苦氣平無毒

南方謂之黑飯樹

止泄除睡強筋益氣力久服輕身長年不飢  
變白去老取莖葉搗碎漬汁浸粳米九浸九  
蒸九曝米粒正黑袋盛之可適遠方日進一  
合不飢取汁炊飯名烏飲

合歡

即夜合樹味甘氣平無毒用不拘時

主安五臟利心志令人歡樂無憂補陰有捷  
功久服輕身明目得所欲又皮煎膏消癰腫  
續筋骨葉可洗衣垢

益智子

味辛氣溫無毒入手足太陰經足少

陰經主君相二火

去皮用

主遺精虛漏小便遺瀝益氣安神補不足安

三焦調諸氣治脾胃中受寒邪止嘔噦攝涎

唾當於補中藥內兼用之夜多小便者取二

枚碎入鹽同煎服有奇驗

榆皮

味甘氣平性滑利無毒

二月採皮取白暴乾八月採實

並勿令中濕濕則傷人

主大小便不利通水道除邪氣消腫毒塗諸

瘡滑胎久服輕身不飢又令人多睡○其實

尤良味微辛能助肺氣殺諸蟲消心腹間惡



氣卒心痛療小兒頭瘡疔又塗諸瘡癬妙

○花主小兒癩小便不利傷熱

小兒白禿瘡搗皮末醋和娠娠滑胎易產

焙搗末臨月日三服

乾漆臣味辛鹹氣溫有毒半夏為之使畏鷄子

藥搗碎炒用

主絕傷補中續筋骨填髓腦安五臟五緩六

急風寒濕痺消痰血痞結腰痛女子疝瘕癥

堅經脈不通削年深積治血氣心痛去虵殺

三蟲生漆去長蟲久服輕身耐老

蔓荆實 味苦辛甘氣微寒溫陽中之陰無毒

太陽經藥慈烏頭

主筋骨間寒熱濕痺拘攣明目堅齒利九竅

去白蟲久服輕身耐老主風頭痛腦鳴目疾

出治太陽頭痛頭昏悶散風邪除目睛內痛

牡荊實 味苦氣溫無毒防風為之使

主除骨間寒熱通利胃氣止欬逆下氣○取

莖截於火上燒承取灑飲之去心悶煩熱頭

風旋目眩心頭養養欲吐卒失音小兒心熱

驚癇止消渴除痰嘔氣實痰盛人宜服之丹



溪云虛痰用竹瀝實痰用荆瀝二味開經絡  
行血氣俱用薑汁助送

平夷臣味辛氣溫無毒苦藟為之使惡五石脂畏葶藶黃連石膏

採實暴乾用之去心及外毛毛射人肺令效

主五臟身體寒熱風頭腦痛面黧溫中解肌

利九竅通鼻塞涕出治面腫引齒痛眩胃生

鬢髮去白蟲久服下氣輕身明目增年耐老

木蘭 味苦氣寒無毒十二月採皮陰乾

主身大熱在皮膚中去面熱赤炮酒釀惡風

癩疾陰下痒濕明耳目

鞞核使味甘氣溫採實去核殼陰乾

主心腹邪結氣明目目赤痛傷淚出目腫皆

爛眼風痒

劉藤臣味甘苦氣微寒無毒三月採

主小兒寒熱十二驚癇客忤胎風惟療小兒

秦皮 味苦氣寒無毒大戟為之使惡吳茱萸陰乾

主風寒濕痺洗洗寒氣除熱目中青翳白膜

肝中久熱兩目赤腫疼痛風淚不止療男子

少精婦人帶下小兒癩身熱作湯浴差水煎

澄清點洗赤眼極效久服頭不白輕身





蜜蒙花 味甘氣平微寒無毒九用酒浸一宿

蒸之

主青盲膚醫赤淫多眵淚清目中赤脉小兒

焚豆及疳氣攻眼

欒華 味苦氣寒無毒决明為之使

主目痛淚出傷皆消日腫南人取以合黃連

作煎療目赤爛甚効

仙人杖 味鹹氣平無毒此是筍欲成竹時立死者色黑如漆五六

月收之

主噦氣嘔逆辟疝小兒吐乳大人吐食並水

煑服小兒驚瀧及夜啼安身伴臘良又痔病

燒為末服方寸匕

丁香臣 味辛氣温純陽無毒入手太陰足陽明

少陰經

主温脾胃止霍亂嘔逆冷氣腹痛風毒諸腫

治口氣齒疳蠶腎氣貢豚吐陽暖腰膝有大

如棗核者名母丁香為末實紗囊如小指納

陰中主陰冷病能變白以生薑汁和拔去白

鬚塗孔中即異常黑

蘇合香 味甘氣温無毒此香來從西域云是諸香汁煎之色青黃



本草綱目卷四  
主辟惡殺鬼精物温瘡毒痼疾去三蟲除  
邪令人無夢魘

沉香 味辛氣温陽也無毒入水沉而中實不空者佳

療風水腫毒去惡氣補右尺命門壯元陽暖  
腰膝散滯氣保和衛氣用為使上而至天下  
而至泉無所不之又止轉筋吐瀉冷氣麻痺  
骨節不任濕風皮膚痒心腹痛氣痢

藿香 味甘辛氣微温陽也入手足太陰經  
療風水腫毒去惡氣治口臭霍亂心痛芳香  
之氣助脾開胃温中快氣治吐逆為最要之

藥上焦壅煎湯嗽口

入順氣烏藥則理肺入黃耆四君子湯則  
理脾

紫真檀 味鹹辛氣温無毒入手太陰足少陰  
經通行陽明經

主惡毒風毒醋和塗傅之末傅金瘡止血止  
痛妙又治心腹痛霍亂中惡鬼氣

能調氣而清香引芳香之物上行最宜橙  
橘之屬佐以薑棗將以葛根豆寇縮砂益  
智通行陽明之經在胃膈之上處咽噎之



中同為理氣之劑

龍腦香及膏香

味辛苦氣溫屬陽無毒

出波律國

形似白松樹作杉木氣明淨狀若梅花瓣者甚佳膏乃根下清液破木作坎而承之者清香為百藥先萬物中香無出其右者

主心腹邪氣風濕積聚耳聾明目去目赤膚

醫通利關膈熱塞大人小兒風涎閉壅及暴

驚熱

丹溪云屬火世知其寒而通利然未達其

煖而輕浮飛揚局方但喜其香而貴細動

輒與麝同用為佳附之助然人身陽易動

陰易虧幸思之愚按龍腦性大辛善走故

能散熱通利結氣古今方目痛喉痺下疳

多用之者取辛散也人欲死者吞之氣散

盡也世人誤以為寒不知辛散性甚似乎

涼耳諸香皆屬陽豈有香之至者而反寒

乎○治時疾發豌豆瘡及赤瘡心煩狂躁

氣喘妄語

取一錢細研旋滴猪心血和丸如鷄頭大每服一九紫草湯下

少時心神便定瘡收散

安息香

味辛苦氣平無毒

主心腹惡氣鬼疰治邪氣魘魘鬼胎蠱毒燒



之去鬼来神辟衆惡

杉材 味辛氣温屬陽無毒瀬油杉良

主療漆瘡取節作屑水煮汁浸洗脚氣腫滿

殊效煎木屑服之療心腹脹痛去惡氣

乳香 味辛苦氣温陽也微炒入丸散

療風水腫毒去惡氣療諸瘡調血氣定諸經

之痛治心腹痛耳聾中風口噤又催生煎膏

止痛長肉

檳榔 味辛苦氣温味厚氣輕陰中陽也無毒

狀若鷄心正穩尖長心不虛中有錦文者良

主消穀逐水除痰癖治心痛殺三蟲伏尸寸

白治後重如神墜諸藥至於極下破滯氣泄

胃中至高之氣南方人食之以祛障厲又脚

氣衝心大者一箇為末童便薑汁温酒共半盞調

枳殼 使味苦酸辛氣微寒味薄氣厚陽也陰中

微陽無毒陰乾陳久者良夫麩核楚炒令熟用

主胃膈痞塞散結氣逐水消脹滿安胃化痰

涎消食破癥結瘰癧除寒熱結痢長肌肉利

五臟走大腸泄肺氣損胃中至高之氣勿多

用又治遍身風疹風痛大風在皮膚中如麻



本草綱目卷四  
豆苦痒通利關節主皮毛胃腸之病

腸風痔疾一方馬黃者各半斤糊湖陽公

主胎肥難產方士進瘦胎散用四兩和草二兩為末

空心服大錢七茶清點服

枳實臣味苦酸氣寒純陰無毒陳良

主胃膈痰癖逐停水破結實消脹滿心下急

痞痛去脾經積血故治心下痞脾無積血則

不痞也故傷寒結胃用之又治逆氣脅風痛

消宿食安胃氣

本經不分殼殼大性詳而緩治高高者主

氣治在胃膈實小性酷而速治下下者主

血治在心腹故有高低緩急之分

厚朴臣味苦辛氣溫陽中之陰無毒乾薑為之使惡澤瀉

寒水石消石陰乾肉厚紫色者佳入藥去麤皮生薑汁炒用

主中風傷寒頭痛寒熱驚悸氣血痺死肌去

三蟲溫中益氣消痰下氣厚腸胃走冷氣療

霍亂胃中冷逆嘔吐酸水洩利淋露消宿食

破宿血治腹痛脹滿散結之神藥

若虛弱人雖腹脹宜斟酌用之誤服脫人

元氣與枳實大黃同用能泄實滿是消痰



本草綱目卷四  
下氣也與橘皮蒼朮同用能除濕滿是温  
中益氣也與解利藥同用則治傷寒頭痛  
與泄利藥同用則厚腸胃盖用苦則泄用  
温則補也

茗苦茶今茶也早採者為茶晚採者為茗味甘苦氣微寒無毒  
入手足厥陰經主瘦瘡清頭目利小便去痰  
熱渴下氣消宿食去人脂令人少睡作飲加  
茱萸葱薑等良茶飲序云釋滯消壅一日之  
利暫佳瘡氣侵精終身之累斯大

赤白痢對和黃連半兩生薑一兩點服效諸爛瘡及湯火

瘡細骨傳貼或為末香油調傳妙目熱赤澁痛兩角痛即

烏藥 味辛氣温無毒八月採根

主中惡心腹痛蠱毒疰忤鬼氣宿食不消天  
行疫瘴膀胱腎間冷氣攻衝背脊婦人血氣  
小兒腹中諸蟲治一切氣除一切冷癰癰疥  
癩猫犬百病並可摩服

巴豆 味辛氣温有大毒荒花為之使惡藜草畏大黃黃連用之去

心皮又熬令黃色別搗如膏以和丸散

主傷寒温瘧寒熱破癥瘕結聚堅積留飲痰



辨大腸水脹蕩滌五臟六腑開通閉塞利水  
殺道女子月閉殺腹臍蟲去惡肉排膿消腫  
除鬼毒蠱疰邪物殺蟲魚斑猫蛇虺毒人吞  
一粒便欲死而鼠食之三年重三十斤物性  
乃有相耐如此

此斬關奪門之將不可輕用若急治為水  
殺道路之劑去皮心膜油生用若緩治為  
消堅磨積之劑炒烟去令紫黑研用丹溪  
云去胃中寒積無寒積者勿用○箭鏃入  
骨不可拔取微熱蠟蟻同研塗傷處須臾  
痛定微痒忍待極痒不可忍便

皂莢

國動箭鏃即拔之立出速  
以生肌膏傅之兼治背瘡

使使患麥門冬畏空青人參苦參九十月採陰  
乾如猪牙者良去皮子酥炙用不入湯藥味辛鹹氣温有小毒引入厥陰經栢實  
為之

主風痺死肌邪氣風頭淚出利九竅通關節  
殺精物勞蟲瘵腹脹滿破堅癥墮胎可為沐  
藥治卒中風昏迷鬼魘不悟卒死卒頭痛為  
末吹鼻中投莢酒中盡取其精火內煎成膏  
塗帛貼一切腫毒無止疼痛○皂角針治瘡  
中用之直達瘡所又米醋煎嫩刺作濃煎傅  
瘡癬奇效



一人患大風惡疾用刺一二斤為灰蒸大

黃湯調一錢七服  
旬鬚眉再生愈

大腹 味辛氣微温無毒鳥多棲此樹上宜

法方  
可用

主冷熱氣攻心腹大腸壅毒痰膈醋心並以  
薑鹽同煎入踈氣藥良下一切氣健脾開胃  
烏臼木根皮 味苦氣微温有毒

主暴水癥結積聚又治大便不通用此木方  
停一寸劈破水煎取小半盞服之立通不用  
多兼能取水又解蛇毒

猪苓臣味甘苦而淡氣平無毒入足太陽經少  
陰經

主痰癘解毒蠱症不祥除濕利水道久服輕  
身耐老治渴解傷寒温疫大熱發汗又治腫  
脹滿從脚上至小腹腫此藥行水之功多大  
燥亡津液無濕證勿用久服損腎昏目

郁李仁臣味酸苦氣平陰中之陽無毒

主大腹水腫面目四肢浮腫利小便水道腸  
中結氣關格不通破血潤燥○根主齒齲腫  
齲齒堅齒煎濃汁含嗽之





吳茱萸

味辛苦氣溫大熱氣味俱厚陽中陰

也有毒入足太陰少陰厥陰經葉實為之使

畏紫石黃九月九日採陰乾凡用先  
於湯中浸去苦汁凡六七過然後用

主溫中下氣止痛欬逆寒熱除濕血痺逐風

邪開腠理治寒邪所膈氣不得上下脾胃傷

冷冷氣閉胃心腹絞痛不可忍霍亂轉筋嘔

逆胃滿及治下焦寒濕疝痛寒氣諸藥不可

代也脚氣衝心可和生薑汁飲之良下氣最

速腸虛人服之愈甚○根殺三蟲下寸白東

南行者良○南行枝主大小便卒關格不通

取斷如手第二指半節含之即下

秦椒

君味苦辛氣溫有毒惡枯樓防葵畏  
雌黃去劑口者

主風邪氣溫中除寒痺堅齒髮明目除雲膜

女人月閉不通產後惡血刺多年刺腹中冷

痛出汗利五臟久服輕身好顏色耐老增年

通神

蜀椒

使味辛氣溫大熱有毒杏仁為之使畏款  
冬雄黃陰乾用須

微炒使出汗取  
紅去黃殼去目

主邪氣欬逆溫中逐骨節皮膚死肌寒濕痺

痛下氣除六腑寒冷傷寒溫瘧大風汗不出



本草綱目卷四  
心腹冷氣痛除齒痛吐陽療陰汗縮小便開  
腠理通血脉堅齒髮明目殺鬼疰蠱毒虫魚  
蛇毒久服之頭不白輕身增年又云多食令  
人乏氣又十月勿食之口閉者殺人○椒目  
味苦辛有小毒能行水治水蠱又治盜汗尤  
功將目微炒搗為極細末用半錢匕以生猪  
上唇煎湯一合調臨睡服效

蛇入口中不得出

用刀破蛇尾納生椒三粒裹着須臾即出

漆瘡

煎湯洗之

齒痛  
有人陰冷漸漸冷氣

入陰囊腫滿日夜疼悶

揀淨椒以布帛裹着丸囊令厚半寸

須臾熱氣大通日再易之取消差

胡椒 味辛氣大温無毒屬火而有金性燥

主下氣温中去寒痰止霍亂心腹冷痛及冷

痢調食用之味甚辛辣快膈殺一切魚肉蠶

輩毒不可多服大傷脾胃肺氣積久而大

棟實 味苦氣寒陰中之陽有小毒

有雌雄二種根白生

子者為雌服用此無子雄者誤服吐瀉殺人

主温疾傷寒大熱煩狂殺三蟲疥瘍利小便

水道入心主上下部腹痛心暴痛○根東行

者煮汁服療蛇蟲甚效○皮治遊風熱毒風



本藥中並有  
五  
羸惡瘡疥癩禿瘡并煎湯浸洗

訶梨勒味苦酸氣溫性急喜降無毒色六稜黑者良取皮去核用

者良取皮去核用

主冷氣心腹脹滿胃腸結氣泄逆氣消痰除

煩下食開胃益腸止久痢赤白及氣痢霍亂

吐瀉又治肺氣因火傷極鬱遏脹滿喘急咳

嗽味酸苦故有收斂降火之功氣虛者亦少

用痰嗽咽喉不利含二三枚殊勝

麒麟竭味甘鹹氣平有小毒最相類似但血竭鹹而中似梔子氣嚼之不爛如臘者上

之不爛如臘者上

主五臟邪氣帶下止痛破積血金瘡生肉傅

一切惡瘡疥癬久不合者亦不可多使却引

膿主打傷損折內傷血聚並宜酒服

沒藥味苦辛氣平無毒生波斯國似安息香色黑

主破血止痛療金瘡杖瘡諸惡瘡痔漏卒下

血目中醫暈痛膚赤婦人產後血氣痛治打

撲損折血滯腫痛不可忍皆以酒投飲之良

紫葳臣即萎香花味酸氣微寒無毒畏鹵

主婦人產乳餘疾崩中帶下癥瘕血閉寒熱

羸瘦養胎治血中痛之要藥也又治酒齧熱



毒風刺風○莖葉味苦主痿廢益氣亦與花

同功

松烟墨 味辛無毒烟者不堪非松

止血生肌膚合金瘡主產後血暈崩中卒下

血醋摩服之亦主眯目物芒入目摩點瞳子

上又止血痢及小兒客忤搗篩和水温服之

赤白痢乾薑好墨各五兩為末醋漿和丸如桐子大服三四丸米飲下日

夜可六產後血暈以丈夫小便濃研墨服一升

衛矛使一名鬼箭味苦氣寒無毒八月採陰乾用之前取皮刊

主女子崩中下血腹滿汗出除邪殺鬼毒蠱

疰中惡腹痛療婦人血氣大效能落胎

虎杖根 氣微温

主通利月水破留血癥結惡瘕撲損瘀血酒

漬根服之

天竺黃 味甘氣寒無毒此竹內所生如黃土着竹成片者一名竹

主小兒驚風天吊客忤痰壅失音鎮心明目

去諸風熱療金瘡止血滋養五臟小兒藥最

宜和緩故也

蘇方木 味其鹹酸氣平陽中之陰無毒



主破血排膿止痛消癰腫撲損瘀血治婦人  
血氣心腹痛月候不調血噤血暈產後血脹  
悶欲死者酒煮五兩取濃汁服之效

椰子皮 味苦氣平無毒

止血止鼻衄吐逆霍亂煮汁服之○殼中肉  
益氣去風○漿服之主消渴塗頭益髮令黑

樓櫚子

澁腸止瀉痢腸風崩中帶下及養血○皮味  
苦澁氣平止鼻洪吐血破癥治崩中帶下腸  
風赤白利入藥燒作灰不可絕過作繩入土

千年不爛

楓香脂

一名白膠香

味辛苦氣平性疎通無毒

主癰疹風痒浮腫齒痛外科家要藥○大楓

子主風瘡疥癬殺蟲

柳華

使一名

味苦氣寒無毒

物生有黃葉者為花反花葉絮方出

絮之下有小黑子隨絮而飛

主風水黃疸面熱黑加疥惡瘡金瘡○絮止  
血帖灸瘡良○葉土馬疥加瘡煎煮以洗馬  
疥立愈○實主潰癰逐膿血○枝葉及根皮  
煎作膏塗癰疽腫毒丁瘡妬乳○枝細剉煎



本草綱目卷之八  
汁含之治牙齒痛

蕪荑使味辛氣平無毒三月採實陰乾

主五內邪氣散皮膚骨節中淫淫溫行毒去

三蟲逐寸白化食治腸風痔瘻惡疥癬

雷丸君味苦鹹氣寒有小毒荔實厚朴為之使惡葛根入藥炮用

赤者殺人

主殺三蟲逐毒氣胃中熱利丈夫不利女子

作摩膏除小兒百病除皮中熱結積蠱毒白

虫寸白自出不止久服令人陰痿

白棘一名棘針小棘也味辛氣寒無毒

主心腹痛癰腫潰膿止痛決刺結

五倍子 味苦酸氣平無毒

療齒宣痺蠶肺臟風毒流溢皮膚作風濕癬

瘡搔痒膿水五痔下血小兒面鼻疥瘡末摻

口瘡效煎燈汁洗眼去熱風濕痒腫痛噙口

中治頑痰有功又解諸熱毒又治腸虛泄痢

收斂之劑也

黃藥根 味苦氣平無毒

主諸惡瘡癩喉痺蛇犬咬毒取根研服之亦

含亦塗又治馬心肺熱等疾



椿木葉 味苦澁氣寒有毒然花不實者為椿

主洗瘡疥風疽水煮葉汁用之○皮主痔瘻

○樗木根葉尤良樗白皮使主赤白久痢及

小兒疳痢殺口鼻中痔蟲及蝨蟲腸滑痔疾

瀉血不住女子血崩月信未多赤白帶下取

東引細根皮水煮服之又能縮小便入藥蜜

炙用

桐葉 味苦氣寒無毒桐有四種未詳孰是此用者

主惡蝕瘡著陰皮主五痔殺三蟲○花主傳

猪瘡飼猪肥大三倍

梓白皮 味苦氣寒無毒

主熱去三蟲療目中疾煎湯洗小兒吐熱一

切瘡疥皮膚搔痒○葉搗傅猪瘡飼猪肥大

三倍

釣樟根皮俗呼鳥樟

主金瘡止血治賁豚脚氣水腫煎服并煎湯

洗瘡瘻疥癬中惡心腹痛鬼疰霍亂腹脹酒

煮服之

樺木皮 味苦氣平無毒

主諸黃疸瀉煮汁飲之又主時行熱毒豌豆



瘡特良。乳癰初發腫硬以無灰酒服方寸匕卧及覺差。

千金藤

生北地者根大如指色黑。生南土者黃赤如細辛。

主一切血毒諸氣霍亂中惡天行虛勞瘧瘴痰嗽不利癰腫蛇犬毒藥石發癩癩悉主之。樞實 味甘無毒。

主五痔去三蟲蠱毒食其子良此肺家果也。不可多啖引火入肺滑大腸。

木鼈 味甘氣溫無毒。

主折傷消結腫惡瘡生肌止腰痛肛門腫痛。

婦人乳痛

桃竹笋 味苦有小毒

主六畜瘡中蛆搗碎納之蛆盡出。

梳篦

主蝨病活蝨入腹為病如癥瘕者煮汁服。又梳篦垢主小兒惡氣霍亂水和飲之。

敗扇

主蚊孳新造屋柱下四隅埋之蚊求不入。燒為末和粉粉身上主汗發敗者佳。









国立国会図書館 タイトル『本草集要8巻』 請求記号 特7-219

ガラス使用